

Bengkel Penulisan Skrip dan Pengarahan Filem Bagi Pelajar Komunikasi

oleh: Johnny Anak Petrus

SABTU, 26 APRIL - Satu Bengkel Penulisan Skrip dan Pengarahan yang diselaraskan oleh En. Saat Hj. Awg Damit dan En. Rosli Seraya telah diadakan di Studio Rakaman TV, Sekolah Sains Sosial pada 24 hingga 26 April. Bengkel ini turut mendapat bimbingan daripada Datuk Yusof Kelana, Pengarah Filem di dalam Syarikat Creative Content Industry Guild (CCIG) dan Martias Ali, Penulis Skrip CCIG.

Terdapat pelbagai perkara yang diajar semasa bengkel tersebut. Antaranya, format penulisan skrip, cara membuat rakaman menggunakan kamera, dan mengarah filem. Martias berkata, format bagi penulisan sesebuah skrip adalah terdiri daripada Scene Heading, Action, Watak, Dialog dan Transition. Beliau berkata demikian semasa menyampaikan ceramah bengkel tersebut yang dihadiri seramai 48 orang pelajar yang terdiri daripada pelajar program Geografi, Hubungan Industri dan Komunikasi dari Sekolah Sains Sosial.

Selain itu, pelajar didedahkan dalam pembikinan filem pendek untuk dipertandingkan pada peringkat IPTA di Universiti Sains Malaysia (USM). Tajuk filem pendek hasil usaha peserta yang hadir di bawah

bimbingan Yusof Kelana dan Matia Ali ialah "Cinta Tanpa Suara" dengan pelakonnya Nur Farahdiah dan Muhd Hasfizi diarah oleh Zabrina Haider Macasaet dan dibantu oleh Catherine Chemera dan Leolerry Lajius sebagai penerbit.

Seterusnya, Muhammad Khairul Azhar (Editor), Wahyuddin Acho (Pengurus Produksi) dibantu oleh Hadir Patang, serta Hisyamuddin Abdullah, Ardi Erin, Keri, Johnny Petrus, Wilfred dan Lawai Mering sebagai Jurukamera. Pengarah Seni yang terlibat ialah Rahmat, Mastinah dan Sharifah Sakinah diikuti Jurusolek yang dikendalikan oleh Athirah Alias dan Cecelia John.

Ketika majlis penutupan bengkel tersebut, tayangan akhir filem pendek telah dilancarkan dan turut dihadiri oleh Dekan Sekolah Sains Sosial, Prof. Dato' Hamdan Bin Adnan. Bengkel tersebut merupakan anjuran bersama antara Program Komunikasi Sekolah Sains Sosial dan gabungan CCIG.

Program ini telah mendapat pujian daripada Dekan Sekolah Sains Sosial dan Pengarah CCIG kerana telah dilancarkan dengan jayanya.